


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 55 || No. 03

March, 2019



Editor: Rev. Stephen Chinzathang

Synod Kumpuon:

"Kipah kawm a Pasian nasem" (Late 100:2)

Khristian Tangkou

Vol. No. 55 || Issue No. 03 || March, 2019

Editorial Board

Editor	: Rev. Stephen Chinzathang - 9863042789 ct_stephen@yahoo.com
Joint Editor	: Rev. Khamchinkhai - 8730933744
Cir. Manager	: Upa Jamsianmung - 9862086615 sianmung@rediffmail.com
Bus. Manager	: Upa Kamgenpau - 8974612937 Shie T. Ginzahau - 8974438842
Cont. Editors	: Upa Khupsuankham - 9856406454 Rev. Awnkhankhup - 9862828921 Rev. Dr. Hangpi Maunlun - 9862910875 Rev. Kaimuanlal - 9862923960

ZOU SYNOD ULIENTE

- **Moderator:**
Rev. Hangpi Manlun
- **Moderator Elect:**
Rev. Zamlianpau
- **Secretary (Sr):**
Upa M. Liensuonkap
- **Secretary (Jr):**
Upa Kapkhanthang
- **Treasurer:**
Upa Chinsuanthang
- **Statistician:**
Upa T. Langkhanmang
- **Executive Secretaries:**
Rev. Stephen Chinzathang
Rev. Khamchinkhai

A sung thu

- Editorial..... 01
- Thu tuomtuom & Thumpi ding..... 02
- Mission Khawmpi Report 06
- Sawm-a-khat sun dan 08
- Mangpa Jesu Khrist gingta lechin . 09
- Missionary nasep ding dan..... 13
- ZPWF Column 23

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Editorial

GIN-UM PASIAN (ISAI 55:)

Mangpa Jesu min in Khristian Tangkou simtute zousie, chibai ka hing buh uhi.

Tulai khawvel, i et kawikawi chieng leh, vaihawmna, kivaipuoh dan, khotaang hinkhuo, hindan pangai, sep leh bawl chite'n khantou lam muthei ding in aki mu hi. Mimal kidei khopna leh bawlthei ahina muthei in a pung deudeu hi. Tahsa nopsahna, mani kideikhopna, mimal huoihamna leh angma sielnate bang a hing tam lai in Gin um Pasion inei uh ahi chi tomkim in houlim lei chi adei huoi hi.

Isai Bung 55 na i et leh inn thupi tahtah te leh khawpi muonhuoi te bang akichim zengzung mai chite mu ahi. Tua mabang in khawvel gam tuomtuom te News a gal kidou refugee gaal tai, inn leh lou neilou chite tamtah mu ahi.

Khawvel gam lamkaite mun tuomtuom ah ki mu tua in muonna leh bitna thute agenkhawm uhi.

Khawvel ah Sum leh Pai suina tuomtuom a um lai in sum muna hoilou, leh a kilawmlou chite zong tamtah mu in a um hi. Eima gam ah zong tambang thu hoilou mu ding in sumsuina tuomtuomte a um chi a gen ahi. Tuata ziehin tuni thupi gin um Pasion chi i tahlang ahi. Lai siengthou ah zong genlawhna tampi vei mu in aum hi. Gin um Pasion ahina tuni in thei tha lei a deihuoi hi.

Khristian hindan eima mimal leh innsung ah enta lei, na Pasion gintatna a, Pasion muongzou nahi nai? Banglam ah tasam in na ki thei ei? Na neh leh tah holna ah Pasion gingta a nasepna, aneu alien chi lou in ginum Pasion bel ngam hiding in na lungtang siemthei in chi ahoi ding.

Sepna, neh leh tah hawlnate ah ginum Pasion ta na hi chi kithei in Manggam nasepna hatangpi a pan lahna ding i et chieng in Lai siengthou Kala 3:1-20. Tam Lai siengthou apat mu ahi na ah lungkiet um, vangsie na kisah ni leh buoina leh hamsatna te mu ahi. Douding leh zil ding tahsa gam a tam tah mu/um ahi lai in gin um Pasion bie, ginum Pasion ta, a sisan a tat doh nahi na toh, Pasion hing bie ihina uah, pawnthaw tah leh Pasion muongzou tha in malam galdou ding a tamzieh in Pasion gin um na muong in kipumpieh in pan latha va ui.

Mangpa'n simtute zousie hing guoljawl in Pasion ginum na muong zou ding in pan la vaui.

.....

Thu tuomtuom leh Thumpi dingte



01. Kum leh ha te hing kiheng lamdang zel in a ha thumna tan LAM-ETNA lienpi toh hing pui galkaitu Pasion THUPINA i pe masa uhi. Bangma lou a iki ngaisun lai un i pawlpi sunga semtu iit huoi tahtah te PENSION pieh ahi nuo un, Semtu hawmthaw huoi tahtah PENSION pieh ding ki-um tou zel hi. Amaute a din innkuon chidamna nget pieh vaui.

02. Mission khawmpi kizang zouta: Pasion in Ami siengthoute Thumna hing dawngin Dated 8th-10th Feb. 2019 sung in Presbyterian Church Zomi Colony ah a (13) vei Mission khawmpi loh tah leh khela pumpum in kizang zouta. Pasion hagau pawlna lamdang tah tang in Biehinn talou zen in kipum laam dimden hi. Tualeh phatna lapawl: Mangjing Field, Paspati field leh Synod Choir te apat ki ngaikhe thei zel hi: Mangpa'n thupina tang taken.

03. Sunday School Teacher's Orientation: Dated 11th-12th Feb. 2019 sung in Central Church ah Synod Session thuphasah umsa bang in PICHING SUNDAY SCHOOL TEACHER'S ORIENTATION lawching tah leh loh tah in kizang zouta. Resource persons leh topics tam anei a bang ahi. Vaidawn thugenna: Rev. Khamchinkhai Executive Secretary I/c Sunday School in nei hi.

Resource Person	Topic
-----------------	-------

- | | |
|--|-----------------------------------|
| 1. Rev. Dr. Hangpi Manlun (Moderator): | S/S Hilchienbu 2019 |
| 2. Rev. Awnkhankhup (Ex-Moderator): | Sunday School Sangsyete mawpuohna |
| 3. Upa Khupsuankham: | Sunday School kikhop dan. |
| 4. Pa Khaiminlian Asst. Professor: | Teaching method |

= Rev. Stephen Chinzathang Sr. Executive Secretary in kipahtu genna leh hunkhahna nei hi.

04. Zou Synod Worker's meet: Pasion hoina leh mapuina toh apeisa March 01, 2019 ni in Synod Office Committee Room ah Synod huong sunga semtu tengteng kithuokhawmna leh thumkhawmna hun in zang uhi. Tualeh maban panlah dingdan zong genkhawm uhi.

05. LUNGDAMPINA 1st PAY PIE: Tv. Kapmuon S/o Upa Kaichinkham of Lunjang in Pasion nasepna pipen banga ngai in Tunnu Limbel a tagate panpina ding a halaw masapen pie hi. Mangpa'n ama leh a innsung mite lamchinteng ah guoljawl taken chi ithumna uh ahi.

06. ZPWF Kum tawp khawmpi: Pasion hoina leh mapuina kilam en kawm in ang tung ding March 15th-17th, 2019 sung Presbyterian Church Zomi Colony ah a (8) veina Zou Presbyterian Women Fellowship (ZPWF) te panlahna toh kumtawp khawmpi um ding a, khumnah ZPWF member muonhuoi tahtah ten Pasion thutah genna nei ding ua, tualeh unit tuomtuom a PWF te leh Synod Choir ten phatna laa sa ding uhi. Tualeh Pasion ni suun hun ah Rev. Stephen Chinzathang i/c ZPWF in Khawmpi thupi genna nei ding hi. Thupi: “Sil zousie phunlou leh niellou inbawl un” (Phil. 2:14). Ahun, ani leh kizah dan tangpite thumpi vau.
07. Mangjing Mission Field Evangelist Cum Head Master: Mangjing Mission Field Evangelist Cum Headmaster a sem ding Contact Basis a sem ding in akisaipi Mission & Evangelism Committee Synod huong sung a hatna (calling) anei nuo un Dated 27th Feb. 2019 niin a kisaipi Board in interview neisah uhi. Tehna chitna etkhiet ahi nuo in Mr. Thangkhanlian s/o Pumchinthang of Tangpijol lung kituoh tah a lah ahi. Amaban sep ding satah umte tahsa hagau a ang sepzaw theina ding in ama leh a inn sung mite a din ana thumzing vau.
08. ZPYF C-Ordinator Suina: ZPYF Co-Ordinator lui Mr. Thangneilal aterm abeitoh kiton in, atha ding suina tuni 15th Feb. 2019 niin ZPYF Central Committee in hatna/suina nei lellel uhi. Ang tung ding 6th March 2019 chiengin Synod Office ah interview neisah ding uhi. Pasion mizat manpha leh pawlpi it mi imu theina ding in inichin thumna uah thei chiet va ui.
09. ZPYF CD. Album Cassette: Pasion phatna laa ginglawm Zou Presbyterian Youth Fellowship (ZPYF) in abawl Synod Office ah Rs. 100/- pie in muthei zing ahi.
10. Thumsahna: Apeisa date 18th & 20th Feb. 2019 in BSEM & CHSEM saina nuoi ah class-X & XII Exam imi nam sung leh ipawlpi sung a i khanglaite a din lawchinna ngetsah vau. Khatvei chieng Mangpa'n i thumna ga hing pe ding ahi chi theikawm in thumna toh pang chiet vau.

11. Apeisa Feb. 22nd 2019 niin Pu Mang David Proprietor M/S Lienminlun Indane Gramin Vitrak in Zomi Colony a ZPWF etkawlina nuoi a Tuunnu Liimbel a zah ding Gas set khat piehkhietna nei hi. I lungdampi mama uhi. Mangpa'n ama leh a inn sung mite Ama nna hatzaw sem a semthei zel din lamchinteng ah enzui in guoljawl zel taken chi ithumna uh ahi.,
12. The 1st Zou Pastor's meet: dated 23rd Feb. 2019 nai 7:30am in MELC Hq. Church ah the 1st Zou Pastor's meet nei uhi. Tami vaiguon ah i nam kipumkhatna dingin Pastor teng in thumna neikhawm uhi. Khum nah ZPCS, MELC, ZCBC leh Catholic Pastor te tel uhi.
13. Zou Synod Mission Field tha Proposal: Pasian hoina leh mapuina muongkawm in a peisa a 13 vei Mission Khawmpi in Klengbai leh Harlunglangso area (Karbi Anglong huop a) Missionary nasepna field tha nei ding lunggul uhi. Bangkim Pasian khut a um ahia, bang chih laipou thumna toh theizing vau.

SUHDIHNA

Ginneilal Kanan veng Sawm-a-khat Rs. 23,570/- kichi pen Rs. 1,06,791/- chi ding hizaw hi.

Bawlkhiel sepkhielte Pasian min a i ki ngaisiem zel ding un ikingen sawnsawn uhi.

MISSION COLUMN

Ginna thuchiem khochin list-2019 bawlte leh ZPCS Office a submitte

- | | | |
|------------------|-------------|------------------|
| 1. Tuilaphai | 2. Paspati | 3. Hiangtam (K) |
| 4. Thingkangphai | 5. Aina | 6. Tuining |
| 7. Shillong | 8. Buhsau | 9. P. Suohzahau |
| 10. Teisaljang | 11. Muallum | 12. Hiangtam (V) |
| 13. Zomi Colony | 14. Zoumun | 15. T. Tangnuam |
| 16. Moreh (MGP) | | |

Report:

MISSION KHAWMPI

“Namchin a pat nuajui ding bawl un (Mathiu 28:19)” chi thupi a nei in Zou Presbyterian Church Synod in 13 veina Missionary khawmpi Presbyterian Church of India, Zomi Colony ah Phumha (February) 08-10, 2019 sung a nei ahi.

Pasian ni zingmawng devotion hun khu Evant. retired Upa Chinthawng, in makai hi. Sun hun ahileh kikhopna Synod Moderator Rev. Dr. Hangpi Manlun leh Secretary puina nuoi ah zah in um a, missionary N. Priyo Kumar of Mayang Imphal in report bawl in leh hun patna thumna nei hi. Missionary pa in April 08, 2018 apat Synod huongsung (mission field) Mangjing ah sem pan hi. Kikhop sungin Mangjing Mission field te apat Meitei ham a Bible tang genna & laam lana, Paspati mission field te apat Nepali ham a Lapawl sahna, Tuunnu Liimbel naupangte apat special number, Tongdam PYF leh Zou Synod Choir te'n Lapawl ngaitah sa ua Rev. Awnkhankhup in thupi genna nei hi.

Kikhopna zaw ahi in Khawmpi singpi donkhawmna um a, sunnua in Moderator ZPCS in Sacrament hawmna nei hi. Nitah kikhopna ah Rev. Kapsuathang in “Nuajui siem un” chi thupi tungtawn in Pasian thutah genna nei a, Rev. Khamchinkhai Executive Secretary i/c Mission & Evangelism in khawmpi khah hi.

Khawmpi hun sungin Pastor te apat thugenna ngainop tah tah te ngai khiet in um a, kikhop chiengin missionary te apat in report ngaikhiet in um jel hi. Kiginni sun kikhop tawp in session vaihawmna Moderator, ZPCS lamkaina neyah nei in um hi. Tuabanah unit tuom tuom apat Khanglai te'n Phatna lapawl sahna nei uhi.

Theiding a poimaw khenkhat te

1. 2020 khawmpi Presbyterian Church of India, Lailamveng, 2021 Presbyterian Church of India Tuibuang.
2. Mangjing Mission field & Paspoti Mission field mai hilou in mission field dang zong siembe hiding.
3. ZPCS huongsung a full-term evangelist te
 - i) Evangelist Bhim Prasad
 - ii) Evangelist Pauchiin
4. Mangjing Mission field ah N. Priyo Kumar in temporary in sem hi.
5. Synod hattuum member FMPB a sem te
 1. Sianlunthang of Zoumunnuam.
 2. Siahkthothang of Aina
 3. Thanglal of Tuibuong
 4. Nh. Nemzavah of Sabual
 5. Nh. Lhingneihoi of Sabual
6. FMPB a sem missionary mi 4 ki chawm ha 1 a 3500 a kichawm zelpen 4000 a chawm ding in khansah hita a, January apat zui hita hi.
7. IEM ah Missionary 2 ha khat a 3500 pie in kichawm hi.
8. Synod tungtawn a mimal a missionary chawmte
 1. Nu Nuamkhoniang of Zomi Colony
 2. Tv. Zuanneithang of Tuibuang
9. Hattuum min a missionary chawmte.
 1. Central Church
 2. Delhi
 3. Lailamveng
 4. Shillong
10. Synod in missionary a dingin hachin in 1,30,000 (approx) seng gige hi.

Kup nuom khat ah

- # Zou Synod member 2018 report (Zou Synod website kilakhie) dungjui in mi 12029 ki um a, 15,60,000 (kum khat a kimu $1,30,000 \times 12 = 156000$) mission toh kisai a sum senna I geel a ahileh member 1 in kum 1 in 129.68 ki seng pha ding hi.
- # Missionary nasepna ah hattuum member zousie in pan mun inei uhi. Hattuum/local in missionary I chawm thei a, ahiloule innkuon in, tualeh mimal in zong. Missionary Box, JPT, ginna thuchiemte in nna isem thei uhi. Amaute amin mama ua thumpi tu zong I hithei a, akuonkhete hatna petu dingin a hanthawntu zong I hithei uhi. Nang bang pen ah napang ei?

.....

ZOU PRESBYTERIAN CHURCH SYNOD

SAWM-A-KHAT SUN DAN

Nov. 17 to 25, Feb. 2010

- | | |
|---------------------|-------------------|
| 1. LDCC Hiangzou | 2. N. Khaukual |
| 3. M. Buangmun | 4. Sugnu |
| 5. Teisalang | 6. Muollum |
| 7. Hiangdung | 8. Central Church |
| 9. Khuainuoi | 10. S. Vengnuam |
| 11. Buhsau | 12. Tuimantang |
| 13. Delhi | 14. Behiangjang |
| 15. Thingkangphai | 16. Goshen |
| 17. PN. Khovong | 18. Hiangtam (K) |
| 19. M. Kholmuol | 20. T. Talnuam |
| 21. Paspati | 22. Singngat |
| 23. Zomi Colony | 24. Tongdam |
| 25. Kanan veng | 26. Gangpimual |
| 27. Tuining | 28. T. Tangnuam |
| 29. Mualtam | 30. D. Phailian |
| 31. Awnchinkap khuo | 32. Imphal |

- | | |
|------------------------|-------------------|
| 33. Lailam veng | 34. Zomi Bethel |
| 35. Zomun | 36. Hiangtamjang |
| 37. T. Khajang | 38. Mangjing |
| 39. Aina | 40. Maokot |
| 41. Sangaikot | 42. Emmanuel |
| 43. Moreh Gamnuam veng | 44. P. Suohzahau |
| 45. Hiangmual | 46. Manniang khuo |
| 47. Chingmang khuo | 48. V. Bethel |
| 49. Lunjang | 50. Daijang |
| 51. Zoumunnuam | 52. Tuibuang |
| 53. Saiboh | 54. Mawngken |
| 55. Hiangtam | |

.....

MANGPA JESU KHRIST GINGTA ICHIN

(II Tim. 3:15; II Kor. 4:18)

- By:- *Upa Khupsuankham*

Paul in, Timothi khu hun nukhia lam a abitheina ding in hanthawinna thu agen a, Ken genthei chinteng kana thuoh a, Pasian panpina toh kana thuoh muolsuozou mabang in Bible khu mihing pilna leh theina a kigiel hilou in Pasian aw suoh, Pasian huhakhum Pasian thuhing ahijiehin, Khrist Jesu gintatna jieh a hundamna lampi ah ahingpui ding hi chia, hanthawinna tungtawn in, leh guoljawlna jieh a lawchinna, guoltung tuonna leh guoljawlna itandan khenkhatte envai.

Sangnaupang ahishleh nasepna khatphot a tupna kichientah nei ding ahi. Neulai apat a tup leh ngim ineite uh Doctor, IAS. MCS ahishleh Civil Services leh adangdangte khu “Tupna kichientah” nei a sangka a laisim ding, tua hileh ataangpi’n lawchinna leh guol tungtuonna inga ding uhi. Ipu uh Lal Bhadur Shastri in aneulai in akhuolhawna khat ah tembaw a atuon in, Tembaw pupan bahara adon leh sum kanei sih

hin “India Prime Minister a kapan chieng in kang pena ding” achi hi. Achi dungzui in 1964 kum in India Prime Minister in ang pang petma hi. Tuajieh in, Sangnaupang, Sangkate leh nasepna khat phot a Pu Lal Bhadur Shastri bang a tupna kichientah nei ding ahi.

Tupna kichien ineite khu Mangpa adia inei ding uh ahi. Missionary William Carry in India a Missionary nna aseplai in hasatna tampi toh anasem muolsuo mabang in inasepna khatphot ah hasatna tuohlou koima umlou, hinanleh kasep khu Mangpa nna ahi. Mangpa a ahi chi thei pou ulei Mangpan hing panpi ding hi. Silbangkim ah lawchin i-ut chiet uhi. Pasian in amite aguoljawl ut a hinanleh guoljawl na tangthei ding in eima lam in chitna, kukalna, chitah suona, gimthuohna leh kingamna ineilou jieh un Pasian in ang guoljawl ding bangtah in ahing guoljawl theisih hi. Meitei nupi Dawr khat a vanlei loupin, “Ima khara hap aw!” ichitheilou mabangin, tuajieh in mimal hi in pawlpi hitaleh guoljawl itan

theina ding un “Khrist Jesu” igintat ding uh ahi. Abraham Lyncoln in aneu apat anu sinsahna bangbang in lai asim hi. Anu’n lai nasim chiengin pilna leh siemna kipatna khu Pasian ahi chi khu na manghillou ding; Nikhat a dahkal 4 lai nasim ding leh dahkal 2 sung khu Pasian kung ah thumna nei inlen nahun mangleng in chin ahil hi.

Abraham Lyncoln in anu gente hoitah a chiemte tinten a ajui jiehin, 1960 kum in America President in apang a, President a apanmai hilou in Negro saltangte adia Zalenna tuntun in apang a, America President tampite lah ah aminthangpen asuoh hi.

Abraham Lyncoln in anu thugen aman jieh in a lawching a, Nikhat Abraham Lyncoln in laisiem jieh a nuomman (Award) thupi khat sang ding kahi, chi akithei in, asang ding in Anu vaihah hi. Hinanleh anun zumhuoisa in vapei utlou hi. Ajiehpen vapei taleng kei jieh in katapa miten musit in simmaw khava uh achijieh in avapei sih a, atapa Abraham Lyncoln in anu tambang in letter athot hi.

“Kanu itt aw! Nang in nang sinsah nate pilvangtah a kajui jieh a tambang nuomman thupi tah leh Certificate khu Pasian in ang pieh ahia, asangtu ding khu nangma nahibou hi. Nang in nanglah sihleh ken kasang theisih ding”, a chihleh anun zong “Zum leh saili a shi koima umlou”, Upaten ana chi uh bang in avapei a, ava sangta hi.

Michael Phelps in, Olympic khat ah, Gold Medal 8 alah in miten tambang a na lawchinna khu bang chi nasa ei? Chia adoh uleh, aman, “Kanu mukal kangahla” achi hi. Tuajieh in Lawchinna khu Pasian ban a akhuom poimaw (alaimu) pen khu NU ahi. Nu in tate siltupguh nei ding in ahanthawn ding hi. Khovel kitaidemna khat phot a siltupguh neiloute khu bangma lawchinna umlou chilei ichi khielsih ding hi.

Israel taten “Khrist Jesu” agintat sung uleh Pasian aphawsung ua lam zang ua, “Khrist Jesu” ang gintatlou bep un anam pumpi uh kengiem in suoh-leh-sal in ataanlaw uhi.

Igam khu dihtatlouna in adimta a, tuajieh in, igam in hasatna, buoina ituoh nasan

ukhu idihtatlouna jieh uh ahi. Sangnaupang khenkhat ama theina umlou a aloi-aguol a copy a, note leh guide bu tungtawn a exam passit sawm bang atam a, tuate khu dihtatlouna ahi. Ahisihleh Contractor khenkhat kia leuleu in nasemlou in Bill bawl in sum-leh-paai tampi alaikhie ua, mite solbang in asum uh lahpieh nalai uhi.

1995 kum in “All India Christian Leadership Conference” Bombay ah Manipur palai a kava haw a, katouna taxi driver pan, “Nou Manipur mite na dihtatlou jieh ua, Khangtoulou nahi uh” angchia, dih kasa hi. Tuajieh in Sangnaupangte leh Manggam nasem khat phot in dihtatna toh nasem ding in iki chiel uhi.

Japan gam adihtat jieh un mikhat in a laikung (pen) ahiei nna khat phot a kiehsah/amansah leh aneitu chilou ngal koiman tawmlou in nikhat-ni chieng in aneitu in vatuoh kha teitei hi, chi ahi. Ei Manipur hileh miin angmu ei! Chin khawdah kawikawi in tawm in isakhau ah guongdap in, inn itun a iji-itate kung a igen leh iji itaten hing kipahpi nalai vaseet hi.

England gam khu thudihna leh dihtatna toh na aseph jieh un akhangtou uhi. Africa kumpi pan lamdang sa in England kumpinu kung ah, “Kumpinu aw! Nagam khantouna jieh nang hil thei diei?” chia adoh leh Kumpinun, “Bangma dang ahisih BIBLE jieh ahi”, chiin adawng hi. England kumpinun thudih leh dihtatna toh nna aseph dan

- * A innsung a Sabuoi (Chamber) tung ah Holy Bible phensa in akoi jing hi.
- * Parliament House a atoukhawm chieng un muoltung a Jesu thugente agenkhawmjel uhi (Mathiu 5:1-12).
- * Halleluijah Chorus lapawl asajel uhi.
- * Tapidaw hilou, Kolte toh Meiteite bang dia hichi hausat uh e, ichileh dihtatna toh nna aseph jieh uh ahi (Tambang dihtatna toh nasemte kung ah Pasian a um hi).

2 Korinth 4:18 isim leh muthei silte ah na lungsim uh ngahsih unlen, mutheilou silte ah ngazaw un, achi thu en talei, muthei sil

achite khu, khovel a sil umte, dachieng a meilum bang a thengpai dingte ahia, mutheilou silte khu hagau sil dachieng a hing tung ding imu theilou uh, “Vangam” china ahia, tahsa lam ah en talei:

- = Sangnaupang khat ama theina umlou a, agualte a copy a passit sawmte khu muthei silte ahia, tuakhu ama a theina umlou china ahi.
- = Tahsalam hii’n Manggam nasepna hitaleh chitahna nasem a, ama theina toh nasem a, laisimte khu lawchinna anga ding uh, tuakhu mutheilou silte ahi.
- = Ama theina umlou a note copy a passit khu Exam, Interview ahisihleh kidemna khat a avatel chieng lawchinglou a fail vadiengte khu, a theina leh a passitna khu ama a ahilou jieh ahi (I passitna leh isiemnate eima a ahitheina ding in Mangpa Jesu Khrist khu Igintat ding uh ahi).

Judaten atate uh Bible thu abaihat sah ban ah, Mosi laibute zong asimsah bang un, ei nu leh paten zong itate uh Hagau lam

a pui in Bible tang umte, Jesu tanchinte leh ginna a mihoite tanchin ihil in izilsah ding uhi. TV ka etna khat ah Pastor khat in a sermon na ah nupi khat in atate TV phung a umlai a dom a alupna tung ah avasiel thu agen a, aman hichin agen a, TV phung a imutsah mai ding hilou in, nuten atate uh aluppi ua,

.....

Bible tangmite leh laisiengthou thute genpipi a, Pasian thu ana mop bang un naupang khu aneu ua pat a Hagau thu toh i etkol ding un iki chiel uhi. Tuahileh, “Mangpa Jesu Khrist” igintatna jieuh ua lampi tuomtuom a lawchingte ing hi ding uhi.

Mangpa’n athu guoljawlta hen!

MISSIONARY NASEP DING DAN (KHANTAN HOI PUONZAHNA) ETDANTHA A ETNA

- Rev. Dr. Hangpi Manlun
Moderator, Zou Synod

1) Thumapui:

Sapham a ‘Mission’ chi thu teng khu Latin ham a ‘Mitto’ pat a kilakhie ahi a, a umzie khu ‘Sawl’ china ahi. Tualeh, Greek hamin, ‘Apostello’ a kichi a, tua zong ‘Sawl’ china ma ahikia hi. Tami a kipatin ‘Apostle’ kichi eiham a ‘Sawltah’ kichi hina hing piengkhe zong ahi. Aumzie ahileh, sepding/bawlding poimaw (special) tah nasem ding a, mawpuohna kipie china ahi. Bible Dictionary khatin, missionary khu, “Sahkhua pawl a member khat, mundang a khantanhoi gen ding a kalsuon amaw, zilsahnate, laisiemnate, khawtang kilemnate, damtheina leh lampi tuomtuomte a zilsahna petu” a chi hi. Tami thuteng ‘missionary’ chi thu bul khu 1598 AD-a hing kizangpan ahita a, a umzie khu ‘sawlkhe’ amaw, ‘thawnkhie’ amaw chinate ahi. Tami, missionary chi kamteng khu Jesuit pawlte in nasem ding a, a sawlkhieh uh hamkam zahna in zong anazang masapen uhi.

Tualeh, Khristian ‘Mission’ chi khun Khristian loute Jesu Khrist kung a puilut ding leh Khrist khantanhoi gingloute kung a gen ding a, sawlkhieh chinate ahideu pen hi. Ginglou mi leh a theiloute kung a Khrist khantanhoi puonna thu genna ahi hi. Baibul tang kingahnate ahileh, Matt. 28:18-20; Luk 24:46-49; Johan 20:21; Nasepte 1:18-te leh a dangdangte ahi uhi. Tamte banah, Pa in a Tapa Mangpa Jesu a sawl a, Jesun a nuazuite a sawl kia a, tamkhu mission umzie dihtah ahi hi.

Tuabanah, Thuhun Lui ah khun Pasian khu hagau mangthai sui masapen ahithu imu uhi. Azieh ahileh Adam leh Evite khu Eden huon a Pasian a koi laiun, nehluo ding a a chi sielehphatheina sing ga a nehtah un, Pasian in “Adam hei a um ne” chiin a han a, misiemte khun tami khu Pasian in mi khielte/hagau mangthaite asuina kamteng masapen ahi chi uhi (Gen. 3:8).

Tualeh, Pasian in Abraham zong mi dangte a ding a guolzawlina hiding in a han hi (Gen.12). Tuabanah, Israelte zong tami

leitung pumpi a vahna tuntu hiding in a na belguot a, ahin, Israelten, Pasian guotna leh lametnate a suhpichin zoutahlou ziehun, A Tapa Jesu sisan tungtawn in ei hattuumte hing phutkhie in angeldoh a, tuachin mopuohna hattuumte tung ah ang ngata hi. Missionary nasep khu Pasian lungtang leh tup-le-ngim (heart beat) ahi. Tuin, Hagau mi leh mi thupi tuomtuomte’n Missionary nasepna poimawna a gente uh i gen ding uhi.

- * Pasian thu siem, Bonhoeffer in, “Hattuum in khantanhoi puonzah leh hattuum chia minvaw tah ahigiap ding hi,” a chi hi.
- * Alan Richardson in, “Khantanhoi puonjahna neilou hattuum khu Mission field ahinalai uh,” a chi hi.
- * Emil Brunner in, “Mei pen akuon chiengin, ahing a sil abawlthei bangin, hattuum in zong missionary nna asepnah toh ahing giap ding hi” achi hi.

* Oswald J. Smith in, “Hattuom chidamloute damsahna damdawi hoipen khu missionary nasep ahi” a chi hi. Aman a gen kiana khat ah, “Jesun tanghou nga leh ngasa ni a suhpung lai a nuazuiten mipite sangnga (5000)-te lah a hawmlaiun, amasa guolten tang masa a, gilva tah a umlaiun, anualam aten a tang nai sih uh” a chi hi. Tambangin, eiten khantanhoi tamveitah izahlaiun, a zakhanailou leitung ah mi tamtah a um uh” a chi hi.

* H.W. Bucherin, “Hundamna thu a gen zing mite lungtang sung ah bang chi laipouin hagau thu ni a tum ngai sih ding” a chi hi.

2) Missionary nnasep ding khu shikuon vaihahna ahi.

Mangpa Jesu zong van a akading kuonin, anuazuite kung ah gam chin a pei a nuazuite siem a, a gintate khu Pa toh Tapa toh Hagau Siengthou min a baptisma tangsah ding in thu a pie hi (Matt.28:18-20). Tualeh, “Pa’n Kei ang sawl bang in Noute zong kang sawl hi” a chi

hi (Johan 20:21). Tami, vaihahna khu shikuon vaihahna zong a chithei ding hi. Pa in a shikuon a atate a vaihahna kamteng chi lei zong i chi khiel sih ding uhi. Tuabanah, Nasepte 1:8-ah, “Hagau Siengthou ang tunchiengin, Judia gam, Samaria gam leh Kawlmong dongin ka thu theipite na hiding uh” a chin Mangpa Jesun thu apie hi. Ahin, tami thupieh khu hattuum masate khun azuilou ziehun, a tung uah bawlsietna atunlaw uhi. Vangphat umtahin atazahna lam uah hattuum a phut zelzel ua, igam buoi laiua, eiten zong hattuum mun tuomtuom a iphu uh toh zong a kibang hi.

3) Mihing man ding in mihing ma a kizang leng hi.

Mangpa Jesu zong Galili dil gei a ngaman Simon leh Andrute unau kungah mihing man dingin asawlthu imu uhi (Mak.1:16). Mundang ah zong mi khiel hundam tangte khun midang hundam tang nailoute amat thute uh zong imu uhi. Philip leh Ethiopia mipa tangmi apatin zong imuthei uhi (Nasepte 3:27). Tuabanah, Paul zong ang pientha zou tahin abawldingte

khu Annania tungtawn in Pasian in ahi hi. Tamte a kipatin, Pasian nasep khu mihingte tungtawn in a hidan i muthei uhi.

4) Leitung/Khawvel ah Missionary nasep a kul tahzet dan.

Leitung/khawvel i et leh Equatorial gamte khu gam miel penpente in a kilang uhi. Tam gamte ah khun ginglou mi a tam mama uhi. World Christian Encyclopedia 2001-in a tahlat danin leitung ah mihing 6,055,049,000-vel umding a hisap ahi a, tuate lah ah, 100-za ah 24% (percent)-te khu Pasian umlou (Atheism) chi pawl ahi uhi. Mihing 100-lah 13 (percent)-te khu Hindu sahkhua bietute ahi ua, 100-lah a 8 % (percent)-te khu Buddhist sahkhua bie ahi kia ua, tuabanah, 100- lah 17 %-(percent)-te Muslim sahkhua zuitute ahikia uhi. Tuate lah ah, Khristiante khu 100-lah 33% (percent)-bou a phagiap hi. India gam ah zong Khristiante khu 100-lah 3% (percent)-vel hiding a hisap i higiap uhi. I umna uh Manipur ngel ah zong ei Khristiante khu i tawm mama uhi.

Tuabanah, leitung ah kum tengin naungeh 12, 1000, 000-vel pieng ding a hisap ahi uhi. Hachinin, naungeh 336111-velma pieng ding a hisap ahi kia a, dahkal khat sungin 14,000-vel pieng ding a hisap hikia hi. Tualeh, minute khat sungin 233 sang a tamzaw pieng ding a hisap ahi a, second khat sung in 3-5 vel bang pieng ding in ahisap uhi. Tam atung a naupiengte khu khantanhoi (gospel)-za loute ahi ua, ang pienna uh innsungte u'khu ginglou mite innsungte ahi tangpi na lai uhi.

5) Khantanhoi nnasep/gen khu hattuum nnapi ahi hi.

Tualeh, Missionary nnasep khu Hattuumte nnapi pen ahi a, Mang Jesun tami napi khu amite liengkou/khuta ap hi (Matt. 28:19). Tam, nnasep khu Hattuum piching leh piching lou kilahna pen ahi. Hattuum khu khantanhoi gen ding a phu-le-din ahiziehin, tami khu a sep a, angaisah sih leh hattuum dihtah chitah zong ahisih ding hi.

Tualeh, nidanglaiin, Sapgamte leh a dangdang a Hattuumte'n zong eite bangin amau tuolsung

hattuom maimai chiet na en in, na buoipi mai ta uleh, Missionary ana sawl un eiten khantanhoi i za ding uoi le? A mauten, zong a hun laiun amau tuolsung leh mani nopsahna ding maimai ana khuol uleh eiten khantanhoi zong i mukha sih ding uhi. Eiten zong khantanhoi puonzah khu i mawpuohna uh ahilamthei a theitawpsuo in i sem zing ding uhi.

Khantanhoi gen khu, Hattuom nna bameng/peng mai khat hilouin, hattuum pumpiten napi leh theitawp a i sem ding ua i liengkou ua kinga ahi. Mangpa Jesun leitung pumpi a vei a, tuami khu, Ama tahsa a shina leh kpiehna a lang chieng mama hi. Pasian miten mi zousie Pasian mi-le-sa ang hitheina ding ua, a sepna uh ahi. Mei khu a kuon/katzieh a hin bangin, hattuum zong khu khantanhoi nna aseppiehin a hingtou zelzel ding hi

Ahin, Hattuom piching loute'n, amau tuolsung a kisuhlim na dinge maimaite a buoipi un akiseng tam thei mama ua, tambang a tuolsung a kisenbei khu Pasian mite kipiehna

sangtah hi in zong a ngai uhi. Hattuom ang pichin leh vang Khantanhoi puonzah dan lampi pen khu angai poimaw pen uhi.

6) MISSIONARY NASEPNA ETDANTHA/NGAIDAN THA ETNA/SUINA

Amasapen, mission nasepna khu hagau mangthai matna ding a nasepna ahi hi. Ahin, i pomdante uh manghil tuonlou leh niel tuonlouin, tulai khawvel khantou toh kituohin mission nasepna a, ngaidan tha umte khu igen ding uhi. Mission chi khu kum zabi 16-na nualam ah gam miel (gingloute)-te gam a missionary nasem ding a sawlte, a sawlna munte leh gamte khu 'Mission field' chiin a kiminvaw hi. Aum dan ahileh itenna gam nuasie a mundang/gamdang a Khantanhoi (gospel) gen ding a kisawlna ahi. Atangpiin, leitung khu mun niin a kikhen a, Pasian gam tunna mun leh gam mielte ahi uhi. Ahin khawvel ang khantou dungzuiin Pasian thu ah zong ngaidan thate hing piengtou zelin, mission tungtang ah zong ngaidan tha leh pomdan thate ahing umtou zelta hi. Tuata khu isuiding uhi.

6.1) Gamdang opkhumna lungsim (Colonial Ecclesial Paradigm).

Tammi ngaidan, kingahna pen khu masang apatin Cyprian in a gendanin, “Hattuum polang ah hundamna a umsih” (Extra Ecclesian Nnullasallvis) chi ahi. Masanglai in Sapkangte khun a gam lahna gamte uah Pasian thu zong a gen tou zelzel uhi. Etsahna ding in, Colombus khun America gam (USA) a mukhieh laiin, America gam ah khun tribalten sahkhuo aneisihi uhi. Tuachin, gam a lahna munte uah a sahkhuo uh a phuttou zelzel uhi. Aumdan, ahileh a gam lahna munte uah khantanhoi gospel zong a gen kawmkawm un hattuumte zong a phut uhi.

6.2) Mission leh Culture.

Atangpi, culture kichi khun a huop lien mama a, nam khat hindan amaw/tawndan, nam zie amaw, ngaidan, peidan, khawsah dan, leh pomdan chite in a genthei ding hi. Jesu khu Pasian Tapa hizong leh Juda mi in ang pieng a, Juda namte tawn dan (culture & custom) zong ang zui hi. Juda dante zong hing zil-in,

Juda Kut chi tuomtuomte zong ang mang a, Pasian biehinnte ah kai in, tuachin hundamna bukimtahin ahing semkhie hi.

Tualeh, culture khu khantanhoi genna ding a van zah poimaw tah ahi chi zong i manghil sih ding uhi. Tueleh, Khantanhoi (gospel) khun i culture u'khu a hengdang lam leng a, i thu theidan u'leh ngaidante u'zong a henglam danglam leng hi. Ahin, missionary tamtahte khun avasepna gamte uah a tawndan uh (culture)-te uh zong avahensah ua, apu/apa ua a tawndan hoipipite uh khu setan vanzah leh hoilou chiin, amauh culture-te uh zuiding in avahil uhi. Tami ngaidan khu igam ua missionary masate uh nasepdan eite lah ah zong tuni dong in agu in ang zelphana lai hi. Atawmkimin, genta lei i culture uh leh khantanhoi i kisisah/kitaltohsah ua, tunidong in hattuum lamkai muonhuoi tahtahten zong, i culture-te uh khu gensie leh khantanhoi daltu bang in i ngai ua a daum mama mai hi.

6.3) Contextualization.

Tami khu, kum 1970-vel lai apatin 'Contextualization' khu mission nasepna/hattuom nasepna ah zahpat ang hita hi. Tami umzie ahileh, 'A hun leh amun dungzui a Nam dang amaw, i va nnasepna mun mite uh hindan leh tawndan u'toh kituoh a Pasion thu vagen' chi lei i chi khieh sih ding uhi. Tami 'contextual' toh hamkam kinai mamakhu ahileh 'Indigenization' chi ahi hi. A umzie ahileh, 'a gam dungzui a mite theisiem ding leh a nam mite nam toh kituoh a khantanhoi in zung a neitheina ding a Pasion thu gen na' chite in a gen thei ding hi.

Tuabanah, 'Contextualization' khun a huop lien mama a, zil miten khun chini in a khen uhi. Tuate: Khatna ah, Khantanhoi khu a gam miten a Nam zie uh leh a sil etdan uh zang/tungtawn a chiengtah a a theisiemthei ua, anam zie uh manphatah mai khu suhsie mai lou a, khantanhoi apomtheina ding ua, Pasion thugen ding ahi hi. Anina ah, a gam ua neh-le-tah, vaihawmna, khawtang hinkhuo siempha ding amaw puihuoi ding amaw

a khantanhoi puonzahna khu 'Contextualization' a chi kia uhi.

6.4) Khantanhoi hilleh khawtang siemphatna leh masawmna.

I Mangpa Jesu Mission khu Luk 4:18-ah, "Gentheite kung a Khantanhoi gen dingte, saltangte kung a suotatna thugen dingte, mitawten khuo amutheina ding leh bawlsiet a umte suotatna dingte" ahi hi. Tamte a kipatin, Mangpa Jesu khu hagau mangthaite maimai buoipi ding a hingpei ahiloudan imuthei uhi.

Tualeh, kum 1960-vel apatin unau Roman Catholic leh Protestant hattuum puituten mihingte khat-le-khat kikal a kinuoisienate, gentheinate, zawn-nate suhbeina dingin theitawpin pan anala uhi. Tualeh, WCC in zong khovel pumpi khu mission field ahita chiin zong apuong uhi. Mihingte Pasion in a siem bangtah a ahintheina ding uh theitawp in pan alatou zelzel uhi.

Tualeh, UNO in zong mihingte dihma kepbit angaikhawh bangun, hattuumten zong a ngaikhawh uhi. Tuachin, WCC

khun 1966-1968 in mission tup pen khu mihing tha (New Humanity) siem ahi chi ang genpanta uhi. Tuabanah, WCC khun zong khotang siemphatna lam a kipumpiehna banah, Khantanhoi gen a kul in apoimaw mama hi chiin zong agen zing uhi.

Tuabanah, Evangelical lamten zong khantanhoi gen leh khotang hinkhuo siemphat ding poimawna nasatahin ang vei uhi. Tuachin, kum 1966 khun “International Foreign Mission Association” (IFMA) leh “Evangelical Foreign Mission” (EFMA) pangkhawmte khun Evangelical khawmpi lien Wheaton ah anei uhi. A thupi uh khu “Khantanhoi gen leh Khawtang Siemphat ding” chi thupi in a zang uhi.

Tualeh, 1966 in Christianity Today, Billy Graham team ten, Berlin khuopi ah Evangelical Khawmpi lien anei uhi. Tuanah, Billy Graham in khawmpi hawwna a, a thugenna ah, “Hattuumte khun Khantanhoi genna i uongbawl ding ua, Jesu kung ah zong mite puilut in

tuakhun nasatahin mihing-le-khotaang siemphatna lam ah sildang zousie sangin nna asemthei zaw ding uh” a chi hi. Tamte a kipatin, WCC leh Evangelical Pawlpiten zong khantanhoi genna khu hagau mangthai mai matna ding a nasepna hilouin, khawvel siemphatna lam zong ahuop tel ding ahidan alang chieng mama hi.

6.5) Hattuumte kipum khatna.

Leitung a Hattuumte tambang khawp a i kikhen thang zeng zung u’khu melmapa setan deidan ahi hi. Tuamabangin, hattuum dinchil a kipat tunidongin, hattuum sung ah kikhenna a beitheih sih hi. Tambang a, hattuumte kipumkhat theina ding WCC khun nasatahin pan alazing hi. Ei India gamsung ngei ah zong Church of South India (CSI) leh Church of North India (CNI)-te zong hattuum tuomtuomte a kigawm uhi.

Hattuumte, kipumkhat theina ding khu WCC leh Evangelical pawl tuomtuomten zong nasatahin pan ala zing uhi. David J. Bosh in, “Gingtute

sepkhawmna leh kipum khatna khu Khristiante Mission poimawtah ahi” a chi hi. Tambang, a kipum khatna i tahsap chiengin, mission field i nnasepnate uah zong hamsatna leh buoina i tuoh ua, gingthate a dingin zong nasatahin buoina a pienlaw leng hi. A zieh ahileh, i vasepnate uah eima uh thugin (doctrine)-te uh iva uong genchiet ua, gingthate a ding in zong koi hattuum leh doctrine dih pen e chi a theitheih sih ua amaute isulungvai uhi.

6.6) I tenna uh Leitung leh silsiemte kepbitna.

Mission leh i tenna Leitung uh kepbitna tungtang poimawna khu tulai mission nnasepna ah ngaidan tha/guonlut tha ahi. Hattuumte, mission thupi khat ahileh i tenna Leitung uh kepbit leh etkol ding ahi. Azieh ahileh i tenna Leitung uh leh eiten zong kichimatna nasatah i nei uhi. Tualeh, i tenna Leitung uh a siet a, a bitsih leh eite zong i bit tuom sih ding uhi. Arch-bishop Desmond Tu Tu-in, “Leitung khat maimai i nei ua, tami i neisun veuvou uh khu i suhnieh ua i suhsiet u’leh khawvel dang i

neinawn sih uhi” a chia agen dih mama hi.

Tualeh, Pasianin mihingte a siem lain Leitung khu mihingte etkol ding in thuneina ana pie hi. Aumzie ahileh mihingte khu sil siemte vengtu leh enkol (stewardship) –ah a koi a (Gen.1:28-30; 2:5,15,19-20; Ephe.2:10). Tamte a kipatin, silsiemte kepbitna mawpuohna khu mihingte khut ah Pasian in a koi ahidan i muthei uhi.

7) Huopzou Mission Nnasepna (Holistic Paradigm).

Huopzou Mission nasepna khu tulai ngaidan hoi pen chilei ichi khiel sih ding uhi. Huopzou nasepna khun hagau mangthaite maimai matding a nasepna ahisih a, Khotang siemphatte, silsiemte kepbitte, gingtute kipumkhatna ding leh adangdangte zong ahupthei ding hi. A umzie ahileh, Mission nasepna khu van gam kaina ding mai hilouin, tahsa-le-hagau siemphatna ding leh khantouna huop in ahiding hi. Atangpiin, huopzou nasepna ah khun tamte a jau/telpha ding hi.

7.i) Neh-le-tah suina tan huop pha in. Nehding tah ding nei loute khu neh-le-tah a sui ding dante uh hil ding uh ahi. Thupil khatin, “Mi zong khat kung ah ngasa sel khat selni man ding sum pieh sang in, ngasa mat ding dan hil lei, ama-le-ama a kitou del ding hi” a chi bang deu in ahi. Tuaziehin, neh-le-tah sui ding dante hil a panpi thei dandan a panpina pieh zong missionary nnasepna manpha tah khat ahi hi.

7.ii) Tui siengthou (clean water). Tui siengthou a dawntheina ding ua lampi suisahnate khu tahsa damtheina ding in a poimaw mama hi. Leitung ah tui tam bang in kilang nan leh tuban kum bangzat e khat chiengin, mihingte dawn ding tui kitahsapna lieh tah i tuoh ding uhi. Tamte zong mission nnasepna poimaw tah khat ahita hi.

7. iii) Damtheina ngaipoimaw (health and hygiene). Mimal hinkhuo, innkuon, khuo sung leh gam sung tanpha a damtheina ding a panlahna ahi. Tami ah khun tep-le-muom, zu-le-sa leh tahsa siettheina dingte

tanpha huopin agenthei ding hi.

7.iv) Siemzilna (formal education). Tami khun siem zilnate, nnasep dante, haichin dan leh a dangdangte ahuopthei ding hi.

7.v) Politics lam a kihilnate.

Tami khun mipite hoina ding a solkal kivaihawmna a Khristiante gamgi tan thei a panlah ding dan leh lahlou ding dan tanpha kihilna nei ding ahi. Panlah taluot ahoilou bang in, ngaisahlou tahlout zong ahoi dieh sih hi. Azieh ahileh i solkal kivaihawmna uh ahoisih leh i Pasian biehnate ding nangawnte uh zong ang subuoi in ma isawnthei dieh sih ding uhi. Etsahna ding- igam buoi laiun, Pasian zong ibieh ding bang tah un zong ibethei sih uhi. Tuabanah, election chin in Hattuumte zong nasatahin ang sukha leng hi. Tuaziehin, hattuumin zong politics toh kisai a hattuum mipite pei ding dan guide line hoitah a bawl a zui ding ahi. Tuaziehin, huopzou mission nnasepna ah khun tam a tung ate tanpha huopin mission nnasep a peipi hi.

ZPWF COLUMN

28th January to 25th February, 2019 sung a Tunnu Limbel panpina pete:

1. Nu Vunggouniang, Talnuom	Rs.	100
2. Nu Niangpi w/o Hausuanthang MDC (Zomi Colony)	Rs.	1,000
3. Mrs. Flora Hatnu, UK	Rs.	25,000
4. Tv. Kapmuan, Lunjang 1st Pay	Rs.	10,800
5. Nh. Silvia Lhingnunmawi, Zomi Colony	Rs.	1,770
6. Nu Ningzaman, Rengkai Thailand Veng	Rs.	4,000
7. Mission Khawmpi tuohkhawm	Rs.	3,620
8. Nh. Mangsiankim, Buhsau	Rs.	1,000
9. Nu Ngaikhanniang, Buhsau	Rs.	200
10. PG Lamthang, Zomi Colony	Rs.	1,000
11. PWF Zomi Colony Anntang Kg. 94 &	Rs.	555
12. Nu Deichiin, P.Suohzahau Khuo	Rs.	100
13. Pu Kaitom, Chief of Lunjang	Sakhi sa malkhat	
Petu zousie Mangpan hing guolzawl zing taken.		

ZPWF Term khat sunga Tunnu Limbel mimal panpina Silpieh/Sum Rs. 10,000 apat atunglam pete:

- | | |
|--------------------------------------|--|
| 1. Pu Jamkholian Munluo, Zomi Colony | 2. Rev. Zamlianpau, Lailamveng |
| 3. Nu Dimneiching, Central Church | 4. Nu Flora Hatnu, UK |
| 5. Tv. Hauminlu, Central Church | 6. Nu Niangpi, Zomi Colony (MELC) |
| 7. Nh. Dimneihau, Tongdam | 8. Pa H. Kapneithang, Central Church |
| 9. Pa Jamkhopau, Central Church | 10. Pa Thanglal, Israel |
| 11. Pu Ginsuanhau, Lailamveng | 12. Manneiching, Imphal |
| 13. Nu Hatniang, Moreh I | 14. Pi. Genevi, HQ (IB) Veng |
| 15. Nh. Esther Chiinnu, Mumbai | 16. Nu. Mannianching, Lailamveng |
| 17. Nh. Ruth Niangkhangching, Delhi | 18. Nh. Lalsiamthar, Lailamveng |
| 19. Tv. Kapmuan, Lunjang | 20. Upa T. Lamkothawng, Central Church |
| 21. Nu Lunngaikim, Imphal | 22. Nh. Rebecca, Dubai |
| 23. Pu Mang David | |

*** ZPWF 8th Session Khawmpi March 15-17, 2019 sung Presbyterian Church of India Zomi Colony, ZPCS Biehinn a um ding ahia, Pasianni Sun Mipi kikhop hun a silpieh piehna hing kinei ding ahiman in hing kikhawm chiet ding in iki chiel uhi.

KIPATHU GENNA

Pu Mang David, Proprietor M/S Lianminlun Indane Gramin Vitrak in Zou Presbyterian Women Fellowship, Zou Synod etkawlina nuoi a um Tunnu Limbel (Orphanage Home) a zahding gas set khat ang pieh zieh in kipahtu igen ua, Mangpan a innsung, ah damtheina leh kituohna pezing henlen, maban a taga meithaite khotuo zouzel ding in Pasian in anasep asilbawlina uah lamzanna leh lawchin semna pie in mapui zing ta hen chi ithumna uh ahi.

Sd/-
Nu Thangneivah
Chairperson
TUNNU LIMBEL MANAGING BOARD COMMITTEE

Sd/-
Nu Veineilam
Secretary



SYNOD WORKERS MEET ON THE 1ST MARCH 2019

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S. Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkthothang	12. Upa Dr. M. Lachinkhai
13. Upa Khamchinjam	14. (L) Upa D.K. Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzaton	23. Rev. Awnkhanthup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkthothawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhoiinn	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhoniam	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiinn	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K. Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppaa	114. Rev. (L) Mangsuanthang	115. (L) Pu Lamchinhau	116. Upa Pauchinlel
117. Nu Kimneihoi	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuanthup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun

Undelivered

Please return to:

The Editor

KHRIŒTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
